

- V.** Et ne nos indúcas in tentatióem.
R. Sed libera nos a malo.
V. Salvum fac servum tuum (vel ancíllam tuam, et sic deinceps).
R. Deus meus, sperántem in te.
V. Dómine, exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spírítu tuo.

Orémus.

Clementíssime Deus, Pater misericordiárum, et Deus totíus consolatióis, qui néminem vis perire in te credéntem, atque sperántem: secúndum multitudínem miseratiónum tuárum réspice propítius fámulum tuum **N.**, quem tibi vera fides, et spes christiána comméndant. Vísitá eum in salutári tuo, et per Unigéniti tui passióem et mortem, ómnium ei delictórum suórum remissióem, et véniám cleméner indúlge: ut ejus ánima in hora éxitus sui te júdicem propitiátum invéniat, et in ságuine ejúsdem Fílii tui ab omni mácula ablúta, transíre ad vitam mereátur perpétuam. Per eúndem Christum Dóminum nostrum.

R. Amen.

6. Tum dicto ab uno ex Clericis adstantibus Confiteor, etc. Sacerdos dicat: Misereátur etc. Deinde:

Dóminus noster Jesus Christus, Fílius Dei vivi, qui beáto Petro Apóstolo suo dedit potestátem ligándi, atque solvéndi, per suam piíssimam misericórdiam recípiat confessióem tuam, et restítuat tibi stolam primam, quam in Baptísmate recepísti: et ego facultáte mihi ab apostólica Sede tribúta, indulgéntiam plenáriam, et remissióem ómnium peccatórum tibi concédo.

In nómine Patris, ✠ et Fílii, et Spírítus sancti. Amen.

Per sacrosáncta humánæ reparatióis mystéria, remíttat tibi omnípotens Deus omnes præsentis et futúre vitæ pœnas, paradísi portas apériat, et ad gáudia sempitérna perdúcat. Amen.

Benedícat te omnípotens Deus, Pater, ✠ Fílius, et Spírítus sanctus. Amen.

7. Si vero infirmus sit adeo morti proximus, ut neque confessionis generalis faciendæ, neque præmissarum precum recitandarum tempus suppetat, statim Sacerdos Benedictionem ei impertiatur.

8. Deinde sequentes preces quanta poterit majori devotione dicat, admoneatque domesticos, et circumstantes, ut simul orent pro moriente.

CAPUT 7.

ORDO COMMENDATIONIS ANIMÆ.

Parochus ad decedentis animæ commendationem accedens, Clericum saltem unum, si potest, secum habeat, qui deferat vasculum aquæ benedictæ, superpelliceum, et stolam violaceam, quibus ipse Sacerdos ante infirmi cubiculum indutus, locum ingrediens, dicat:

Pax huic dómui, et ómnibus habitántibus in ea.

1. Deinde adspergat ægrotum, lectum, et circumstantes aqua benedicta, dicens:

Adspérges me, Dómine, hyssópo, et mundábor: lavábis me, et super nivem dealbábor.

2. Postea Salvatoris nostri crucifixi imaginem ægroto osculandam præbeat, verbis efficacibus eum ad spem æternæ salutis erigens, ipsamque imaginem coram eo ponat, ut illam adspiciens, salutis suæ spem sumat.

3. Deinde accensa candela, genibus flexis, cum omnibus circumstantibus breves Litanias devote recitet, in hunc modum:

K ýrie eléison.		Sancta María Magdaléna,	ora.
Christe eléison.		Sancta Lúcia,	ora.
K ýrie eléison.		Omnes sanctæ Vírgines et Víduæ,	oráte,
Sancta María,	ora pro eo.	Omnes Sancti et Sanctæ Dei,	intercéдите pro eo.
Omnes sancti Angeli et Arch- ángeli,	oráte pro eo.	Propítius esto, parce ei, Dómine.	
Sancte Abel,	ora.	Propítius esto,	
Omnis chorus Justórum,	ora.	libera eum, Dómine.	
Sancte Abraham,	ora.	Propítius esto,	líbera.
Sancte Joáñnes Baptista,	ora.	Ab ira tua,	líbera.
Sancte Joseph,	ora.	A periculo mortis,	líbera.
Omnes sancti Patriárchæ et Pro- phétæ,	oráte.	A mala morte,	líbera.
Sancte Petre,	ora.	A pœnis inférni,	líbera.
Sancte Paule,	ora.	Ab omni malo,	líbera.
Sancte Andréa,	ora.	A potestáte diabóli,	líbera.
Sancte Joáñnes,	ora.	Per nativitatẽ tuam,	líbera.
Omnes sancti Apóstoli et Evan- gelistæ,	oráte.	Per crucem et passiónem tuam,	líbera.
Omnes sancti Discípuli Dómini,	oráte.	Per mortem et sepultúram tuam,	líbera.
Omnes sancti Innocéntes,	oráte.	Per gloriósam resurrectiónem tuam,	líbera.
Sancte Stéphane,	ora.	Per admirábilem adscensiónem tuam,	líbera.
Sancte Laurénti,	ora.	Per grátiam Spíritus sancti Pa- rácliti,	líbera.
Omnes sancti Mártires,	oráte.	In die júdicii,	líbera.
Sancte Silvéster,	ora.	Peccatóres, te rogámus audi nos.	
Sancte Gregóri,	ora.	Ut ei parcas,	
Sancte Augustíne,	ora.	te rogámus audi nos.	
Omnes sancti Pontífices et Con- fessóres,	oráte.	Kýrie eléison.	
Sancte Benedicte,	ora.	Christe eléison.	
Sancte Francíscce,	ora.	Kýrie eléison.	
Omnes sancti Mónachi et Ere- mítæ,	oráte.		

4. Deinde cum in agone sui exitus anima anxiat, dicantur sequentes Orationes.

Orémus.

Roficiscere, ánima christiána, de hoc mundo, in nómine Dei Patris omnipoténtis, qui te creávit: in nómine Jesu Christi Fílii Dei vivi, qui

pro te passus est: in nómine Spíritus sancti, qui in te effúsus est: in nómine Angelórum et Archange-
lórum: in nómine Thronórum et Dominiórum: in nómine Principátuum et Potestátum: in nómine Chérubim et Séraphim: in nómine Patriarchárum et Prophetárum: in nómine sanctórum Apostoló-
rum et Evangelistárum: in nómine sanctórum Már-
tyrum et Confessórum: in nómine sanctórum Mo-
nachórum et Eremitárum: in nómine sanctárum
Vírginum, et ómnium Sanctórum et Sanctárum
Dei. Hódie sit in pace locus tuus, et habitátio tua
in sancta Sion. Per eúmdem Christum Dóminum
nostrum. **R.** Amen.

Orémus.

Deus miséricors, Deus clemens, Deus qui secún-
dum multitudinem miseratiónum tuárum pec-
cáta pœniténtium deles, et præteritórum críminum
culpas vénia remissiónis evácuas: réspice propí-
tius super hunc fámulum tuum **N.**, et remissiónem
ómnium peccatórum suórum tota cordis confes-
sióne poscéntem deprecátus exaúdi. Rénova in eo,
piíssime Pater, quidquid terréna fragilitáte corrú-
ptum, vel quidquid diabólica fraude violátum est:
et unitáti córporis Ecclésiæ membrum redempti-
onis annécte. Miserére Dómine gemítuum, miserére
lacrimárum ejus: et non habéntem fidúciam, nisi
in tua misericórdia, ad tuæ sacraméntum reconci-
liatiónis admítte. Per Christum Dóminum nostrum.

R. Amen.

Comméndo te omnipoténti Deo, caríssime frater,
et ei, cujus es creatúra, commítto: ut cum huma-
nitátis débitum morte interveniẽte persólveris,
ad auctórem tuum, qui te de limo terræ formáve-
rat, revertáris. Egrediéti itaque ánime tuæ de
córpore, spléndidus Angelórum cœtus occúrrat:

judex Apostolorum tibi senatus advéniat: candidatorum tibi Mártyrum triumphátor exercitus obviet: liliáta rutilántium te Confessorum turma circumdet: jubilántium te Vírginum chorus excípiat, et beátæ quiétis in sinu Patriarchárum te compléxus adstríngat: mitis, atque festívus Christi Jesu tibi adspéctus appáreat, qui te inter assisténtes sibi júgiter interésse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátanas cum satellítibus suis: in advéntu tuo te comitántibus Angelis contremíscat, atque in ætérnæ noctis chaos immáne diffúgiat. Exsúrgat Deus, et dissipéntur inimíci ejus: et fúgiant qui odérunt eum, a fácie ejus. Sicut déficit fumus, deficiant: sicut fluit cera a fácie ignis, sic péreant peccatóres a fácie Dei: et justí epuléntur, et exsúltent in conspéctu Dei. Confundántur ígitur et erubéscant omnes tartáreæ legiónés, et mínistri sátanæ iter tuum impedíre non aúdeant. Líberet te a cruciátu Christus, qui pro te crucifíxus est. Líberet te ab ætérna morte Christus, qui pro te mori dignátus est. Constitúat te Christus Fílius Dei vivi intra paradísi sui semper aména viréntia, et inter oves suas te verus ille Pastor agnóscat. Ille ab ómnibus peccátis tuis te absólvat, atque ad déxteram suam in electórum suórum te sorte constitúat. Redemptórem tuum fácie ad fáciem vídeas, et præsens semper assistens, manifestíssimam beátis óculis adspícias veritátem. Constitútus ígitur inter ágmina beatórum, contemplatiónis divínæ dulcédine potiáris in sæcula sæculórum. **R.** Amen.

Oratio.

Súscipe, Dómine, servum tuum in locum sperándæ sibi salvatiónis a misericórdia tua. **R.** Amen.

Líbera, Dómine, ánimam servi tui ex ómnibus perículis inférni, et de láqueis pœnarum, et ex ómnibus tribulatióibus. **R.** Amen.

Líbera, Dómine, ánimam servi tui, sicut liberásti Henoch et Eliám de commúni morte mundi. **R.** Amen.

Líbera, Dómine, ánimam servi tui, sicut liberásti Noë de dilúvio. **R.** Amen.

Líbera, Dómine, ánimam servi tui, sicut liberásti Abraham de Ur Chaldæórum. **R.** Amen.

Líbera, Dómine, ánimam servi tui, sicut liberásti Job de passióibus suis. **R.** Amen.

Líbera, Dómine, ánimam servi tui, sicut liberásti Isaac de hóstia, et de manu patris sui Abrahæ. **R.** Amen.

Líbera, Dómine, ánimam servi tui, sicut liberásti Lot de Sódomis, et de flamma ignis. **R.** Amen.

Líbera, Dómine, ánimam servi tui, sicut liberásti Móysen de manu Pharaónis regis Ægyptiórum. **R.** Amen.

Líbera, Dómine, ánimam servi tui, sicut liberásti Daniélem de lacu leónum. **R.** Amen.

Líbera, Dómine, ánimam servi tui, sicut liberásti tres púeros de camíno ignis ardéntis, et de manu regis iníqui. **R.** Amen.

Líbera, Dómine, ánimam servi tui, sicut liberásti Susánnam de falso crimine. **R.** Amen.

Líbera, Dómine, ánimam servi tui, sicut liberásti David de manu Regis Saul, et de manu Golíæ. **R.** Amen.

Líbera, Dómine, ánimam servi tui, sicut liberásti Petrum et Paulum de carcéribus. **R.** Amen.

Et sicut beatissimam Theclam Virginem et Mártirem tuam de tribus atrocissimis torméntis liberásti, sic liberáre dignéris ánimam hujus servi tui, et tecum fácias in bonis congaudére cœlestibus.

R. Amen.

Oratio.

Commendámus tibi, Dómine, ánimam fámuli tui **N.**, precamúrque te, Dómine, Jesu Christe, Salvátor mundi, ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te solo Deo vivo et vero: quia non est álius Deus præter te, et non est secúndum ópera tua. Lætífica, Dómine, ánimam ejus in conspéctu tuo, et ne memíneris iniquitátum ejus antiquárum, et ebrietátum, quas suscitávit furor, sive fervor mali desiderii. Licet enim peccáverit, tamen Patrem, et Fílium, et Spíritum sanctum non negávit, sed credidit, et zelum Dei in se hábuit, et Deum, qui fecit ómnia, fidéliter adorávit.

Oratio.

Delicta juventútis, et ignorántias ejus, quæsumus, ne memíneris, Dómine: sed secúndum magnam misericórdiam tuam memor esto illíus in glória claritátis tuæ. Aperiántur ei cœli, collæténtur illi Angeli. In regnum tuum, Dómine, servum tuum súscipe. Suscípiat eum sanctus Míchaël Archángelus Dei, qui milítiae cœlestis mérui principátum. Véniant illi óbviám sancti Angeli Dei, et perdúcant eum in civitátem cœlestem Jerúsalem. Suscípiat eum beátus Petrus Apóstolus, cui a Deo claves regni cœlestis tráditæ sunt. Adjuvet eum sanctus Paulus Apóstolus, qui dignus fuit esse vas electiõnis. Intercédant pro eo sanctus Joánnes eléctus

Dei Apóstolus, cui reveláta sunt secréta cœlestia. Orent pro eo omnes sancti Apóstoli, quibus a Dómino data est potéstas ligándi, atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vínculis carnis exútus, pervenire mereátur ad glóriam regni cœlestis, præstante Dómino nostro Jesu Christo: Qui cum Patre et Spíritu sancto vivit et regnat in sæcula sæculórum.

R. Amen.

5. Si vero diutius laborat anima, poterit legi super eum hoc Evangelium S. Joannis.

Joann. 17.

Sublevátis óculis in cœlum Jesus, dixit: Pater, venit hora, clarífica Fílium tuum, ut Fílius tuus claríficet te: sicut dedísti ei potestátem omnis carnis, ut omne, quod dedísti ei, det eis vitam ætérnam. Hæc est autem vita ætérna: ut cognóscant te, solum Deum verum, et quem misísti Jesum Christum. Ego te clarificávi super terram: opus consummávi, quod dedísti mihi ut fáciam: et nunc clarífica me tu Pater apud temetípsum, claritáte, quam hábui prius, quam mundus esset, apud te. Manifestávi nomen tuum homínibus, quos dedísti mihi de mundo: tui erant, et mihi eos dedísti: et sermónem tuum servavérunt. Nunc cognovérunt, quia ómnia, quæ dedísti mihi, abs te sunt: quia verba, quæ dedísti mihi, dedi eis: et ipsi accepérunt, et cognovérunt vere quia a te exívi, et crediderunt quia tu me misísti. Ego pro eis rogo: Non pro mundo rogo, sed pro his, quos dedísti mihi: quia tui sunt: et mea ómnia tua sunt, et tua mea sunt: et clarificátus sum in eis: et jam non sum in mundo, et hi in mundo sunt, et ego ad te vénio. Pater sancte, conserva eos in nómine tuo, quos dedísti mihi: ut sint unum, sicut et nos. Cum essem

cum eis, ego servábam eos in nómine tuo. Quos dedísti mihi, custodívi: et nemo ex eis périit, nisi filius perditiónis, ut Scriptúra impleátur. Nunc autem ad te vénio: et hæc loquor in mundo, ut hábeant gaúdium meum implétum in semetípsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctífica eos in veritáte. Sermo tuus véritas est. Sicut tu me misísti in mundum, et ego misi eos in mundum. Et pro eis ego sanctífico meípsum: ut sint et ipsi sanctificáti in veritáte. Non pro eis autem rogo tantum, sed et pro eis, qui creditúri sunt per verbum eórum in me: ut omnes unum sint, sicut tu Pater in me, et ego in te, ut et ipsi in nobis unum sint: ut credat mundus, quia tu me misísti. Et ego claritátem, quam dedísti mihi, dedi eis: ut sint unum, sicut et nos unum sumus. Ego in eis, et tu in me: ut sint consummáti in unum: et cognóscat mundus, quia tu me misísti, et dilexísti eos, sicut et me dilexísti. Pater, quos dedísti mihi, volo ut ubi sum ego, et illi sint mecum: ut vídeant claritátem meam, quam dedísti mihi: quia dilexísti me ante constitutióem mundi. Pater juste, mundus te non cognóvit: ego autem te cognóvi, et hi cognovérunt, quia tu me misísti. Et notum feci eis nomen tuum, et notum fáciam: ut diléctio, qua dilexísti me, in ipsis sit, et ego in ipsis.

Pássio Dómini nostri Jesu Christi secúndum
Joánnem.

Joan. 18.

In illo témpore: Egréssus est Jesus cum discipulis suis trans torréntem Cedron, ubi erat hortus, in quem introívit ipse, et discipuli ejus.

Sciébat autem et Judas, qui tradébat eum, locum: quia frequéter Jesus convénerat illuc cum discipulis suis. Judas ergo cum accepisset cohórtem, et a pontificibus et pharisæis ministros, venit illuc cum latérnis, et fácibus, et armis. Jesus itaque sciens ómnia, quæ ventúra erant super eum, processit, et dixit eis: Quem quæritis? Respondérunt ei: Jesum Nazarénum. Dicit eis Jesus: Ego sum. Stabat autem et Judas, qui tradébat eum, cum ipsis. Ut ergo dixit eis: Ego sum: abiérunt retrórsim, et cecidérunt in terram. Iterum ergo interrogávit eos: Quem quæritis? Illi autem dixerunt: Jesum Nazarénum. Respóndit Jesus: Dixi vobis, quia ego sum: si ergo mē quæritis, sínite hos abire. Ut implerétur sermo, quem dixit: Quia quos dedísti mihi, non pérdidi ex eis quemquam. Simon ergo Petrus habens gládium edúxit eum: et percússit pontíficis servum: et abscídit aurículam ejus dexteram. Erat autem nomen servo Malchus. Dixit ergo Jesus Petro: Mitte gládium tuum in vaginam. Cálicem, quem dedit mihi Pater, non bibam illum? Cohors ergo, et tribúnus, et ministri Judæórum comprehendérunt Jesum, et ligavérunt eum: et adduxérunt eum ad Annam primum, erat enim socer Cáiphæ, qui erat pón tifex anni illius. Erat autem Cáiphás, qui consílium déderat Judæis: Quia expédit, unum hóminem mori pro pópulo. Sequebátur autem Jesum Simon Petrus, et álius discipulus. Discipulus autem ille erat notus pontífici, et introívit cum Jesu in átrium pontíficis, Petrus autem stabat ad óstium foris. Exívit ergo discipulus álius, qui erat notus pontífici, et dixit ostiáriæ: et introduxit Petrum. Dicit ergo Petro ancílla ostiária: Numquid et tu ex discipulis es hóminis istius? Dicit ille: Non sum. Stabant autem servi et ministri ad prunas, quia frigus erat, et